

Instala Aireacon-
dicionado na bo
cas AWOR!



Tel. 2170

ARUBA ANSE COURANT



Diario



pa Aruba



ANJA 21

DIAMARS 29 DI MAART 1960

Nr. 3699

Esaki ta un dje dos
mozaik grandinan di
color den tres dimen-
sion, cu recientemente
ta decoro e msa
nobo na Sovaneta. E
escultora ta Josje
Smit di Amsterdam,
kende tambe a traha
e crucifijo grandi cu
tin den e msa.



Na Argentina tres cuarta parte dje votadornan a bai urna

Buenos Aires, 28 maart - Como 3/4 dje 10 million personanan cu tin derecho di vota na Argentina, a vota ajera. Despues cu 60 porciento dje votonan tabata conta, e partido di Balbin tabatin 1.506.403 voto y e partido di gobierno tabatin 1.218.528. Sinembargo observadornan ta di opinion cu e partido di gobierno lo por mantene su mayoria den camara di representantenan, toch.

E peronistanan y comunistanan no tabata permiti di nombra candidato y nan a conseha nan simpatizadornan pa tira nan billete den e stembus sin jera ningun hokki. Ya nan a conta 1.103.008 di tal billetenan eaba.

Observadornan ta di opinion cu e resultadonan electoral di ajera — pa milar dje asientonan den asamblea nacional — ta un aviso serbi na presidente Frondizi, pa cu politiek di sobriedad, cu mester trece recuperacion economico, lo por perde su mayoria den parlamento, aki dos anja durante e votamentu pa e otro milar dje asientonan den e asamblea nacional.

Poliznan na Buenos Aires a pone un fin na demostracionnan di simpatizadornan dje Union Popular radical y nan arresta 20 hende.

OTRO WANDELMARS DI KZP PA MUCHANAN DI SCHOOL

ORANJESTAD — Pa e vacante venidero di Pascu grandi, Kinder- en Zedenpolitie na Aruba a organisa un otro wandelmars pa muchanan di school atrobe. Cu esaki nan ta continua cu un tradicion cu tin anja ta parse ta gosa di hopi interes. Atrobe lo tin dos ruta; un poco mas cortico pa muchanan mas chikito y otro algo kilometro mas largu pa e muchanan mas grandi. Na final lo tin entrega di e diplomanan y e refresco di custumber. Unico diferencia cu anjanan anterior, ta cu e biaha aki e ruta lo ta mas den bario di San Nicolas. Na ta ban tambe pa semper ta laga muchanan di San Nicolas ta hini Playa, e hefe di KZP senior A. Nagtegaal ta hisa. Huntu cu e hondnan di school nan lo conferencia ainda pa mira ki fecha e wandelmars aki lo tuma lugar.

INSPECTOR GENERAL DI NAVEGACION NA ARUBA

ORANJESTAD — Ajera a jega nos isla senior De Vries, inspector general di navegacion na Hulanda. Senior De Vries, kende anteriormente a hisa shita Surinam y Corsow eaba, tabatin un cambio di impresion cu diferente autoridatnan di haf na Aruba.

Ajera nochi un transformador a explota y varios distrito di Buenos Aires no tabatin luz.

Nan ta sospecha, cu un hende a comete sabotage na e transformador.

ELECCION PA DIRECTIVA DI KUNSTKRING 19 APRIL

ORANJESTAD — Un extra reunion general pa miembronan di Arubaanse Kunstkring den cual lo tin eleccion pa un directiva nobo, lo tuma lugar awor dia 19 di april p.v.

Miembrenan te cu 9 di april ta den ocaion pa presenta nan contra-candidatnan. Esnan cu anteriormente a keda endica eaba como candidato pa directiva of miembrenan no tin necesidad pa bolbe presenta nan candidatura.

IMPEESA STAM A SALBA E HONOR — GANANDO FUTBOL

ORANJESTAD — E enuentrona deportivo entre e voortrekke van di St. Francisus Stam di RKV y e Impeesa Stam di NPV a bira un triunfo rotundo pa e prome manciencia, pero toch na satisfecio cu e voortrekke van di Impeesa Stam a logra gana maske ta un dje enuentronan den un wega di futbol. Despues di a hanta derota den volleyball, dam, ping-pong y domino e voortrekke van di Impeesa Stam a laga nan adversarionan morde den stof literalmente y figuradamente riba e tereno bieuw di RCA y a debulhe nan adversarionan pa nan blekhu cu un derota di 3-2. Cu St. Francisus tambe tin poco tercio guano a keda comproba claramente trobe. E mes anochi ei e terecunan di Comitanashi a recupera di nan sota di e atardi y a bolbe logra gana nan colega nan di Mon Plaisir den un enuentro di herenaymstiek pa un minimo di punto. E posicion final tabata 32-31.

E posicion definitiva awor ta 203 punto pa St. Francisus y 87 punto pa Impeesa. E premionan lo ser entre-ga despues.

Welga general na Johannesburg como senjal di luto

Johannesburg, 28 maart — Albert Luthuli, president general dje congreso nacional Africano, a kima su kaarchi di identificacion na Pretoria dia sabra anochi y el a pidi e Africanonan di Sur-Africa, pa sigi cu nan campanja pa elimina uso dje kaarchinan ey. El a pidi nan pa welga awe como indicacion di luto. Na Johannesburg nan ta spera cu como 1/2 milion obrero lo no bai trabao.

E lidernan dje congreso nacional africano a pidi e miembronan dje congreso pa no tene demostracion riba eja, pero keda eja pa rouw pa e victimanan dje incidentenan. Sinembargo e poliznan ta hopi vigilante.

Luthuli a declara pa prensa cu Sur Africa ta den un crisis maske cu dr. Verwoerd y su gobiernu no kier admiti esey. Pa evita mas retraso den e relacionnan entre e razanan, gobiernu mester permiti convocacion di un reunion preto di tur lider sudaficano, africanonan y blancunanan, asina el a bisa.

E medidanan cu ta worde tuma actualmente pa combati e situacion, den cual e poliznan ta actua cu crueldad y proclama prohibicionnan, ta inutil. E africanonan tin keho. Lo mester admiti esey y studia e kehonan ey sin tardia mas.

Nos no ta desea pa Sur Africa sufrir econonomicamente pa motibo cu e blancunanan no por comprende cu nos ta den un crisis den e relacionnan entre e razanan, asina Luthuli a bisa.

E ministro sudaficano di husticia, Erasmus, a hisa cu e prohibicion pa mas cu 12 persona ta husto, ta di vigor pa 49 distrito mas. E prohibicion tabata di vigor pa 24 distrito eaba. Awor e no ta valido pa solamente e distritonan eentada eabi no tin hende ta bisa.

Obreronan di Liptown a queda

Na Liptown, na roya normalmente mil obrero sa bai traha cu e trein, ningun obrero no a core den trein awe.

Na Orlando tabatin solamente algun pasahero. Algun notela ta hisa cu miembronan dje congreso nacional africano tabata para na guardia, pa stroba e africanonan di bai traha.

Read Kaapstad casi tur africano cu ta traha na e companianan di cio y cu ta transporta lechi y pan, a transportacion, construecion y comer-keda eja.

Dr. Isadore Frack, e medico director dje hospital pa africanonan na Baragwanath, cerca Pretoria, na un-

da 143 africano a worde transporta despues dje incidentenan na Sharpeville, a hanta verlef obligo, sperando un investigacion disciplinario.

Oficialmente nan no a duna ningun motibo pa e verlef obligo. E corant „Rand Daily Mail“ a informa cu e dificultadnan a cuminsa ora cu dos medico a nega di bai na un klinik na Sencane (un distancia di 7 km mas leu) cu ta pertenece na e hospital di Baragwanath. E mediconan, un muhe y un homber eaba cu yiu, a hisa cu nan bida lo core peliger. Dr. Verster a tene esaki y a puntra nomber dje mediconan. E corant ta bisa cu dr. Frack a nega di hisa nomber dje mediconan.

E welga di luto tabatin exito

Parece cu e welga di luto, cu e congreso nacional africano a proclama, tin exito. E tramnan pa transportacion di obreronan africanos ta core bashi, mescos cu e autobusunan na Johannesburg y e otro ciudadnan di Sur Africa. No tabatin ningun incidente.

E welga no tin influencia riba e servicio publico cu ta den man dje blancunanan, pero riba industria y ayudo na eja. Si. Na Johannesburg hopi empleada europeo a hisa nan yunan trabao huntu cu nan, pasobra nan no tabata por conta cu nan sirvientenan africanos, cu sa cuida e muchanan normalmente.



Esaki ta un dje portretnan di e prins Ingles recién naci. Su nomber ta Andrew, Albert, Christiaan, Edward.

Krushev a jega Marseille ajera nochi

Marseille, 28 maart — Prome ministro Krutshof di Rusia a yega Marseille ajera nochi despues di a kera door di regionnan agriculatural na Francia. Na Marseille tin hopi comunista; 24 dje 62 miembronan di e municipalidad ta, comunista. E partido a pidi habitantenan dje ciudad pa duna e prome ministro Ruso un recepcion cordial y nan a transporta habitantenan di tur rond e ciudad pa e centro pa nan mira Krutshof.

Como 10.000 hende a para den awaceru pa mira Krutshof, gritando lemanan pro-ruso, nan tabata zwaai banderanan chikitu cora.

No obstante e awaceru miles di hende tabata para eun di caminda pa mira Krutshof, ora cu el a pasa door dje regionnan agriculatural frances. Hopi hende tabata zwaai banderanan ruso y nan tabatin spandek-nan cu lemanan skirbi riba.

Na Nimes e ruso a hisa cu ta die- te cu e hendenan mester a para den awaceru, locual el a bisa ta bon pa

agricultura, y el a jama nan danki pa nan sacrificio.

El a hisa bishita proyectonnan agriculatural y monumentonan antiguo cerca Nimes y el a bishita entre otro Arles. El a demostra hopi interes pa e mai-shi, cu di su produccion favorito.

El a elogia e soldanan dje resistencia frances di segundo guerra mundial, durante un discurso.

Militantenan tabata euardia tur brug y otro luganan strategic riba Krutshof su ruta y un helicoptero tabata vigila for di den laria.



Automatic
Shockproof

Nivada
Antarctic

Antimagnetic
Waterproof

SPRITZER * FUHRMANN

CURACAO
ARUBA



Colision

ORANJESTAD — Den curva na Bie-na Vista putras di vliegvel diabierna u.p. tabatin un choke entre A-5514 y A-2313, cu e chofernan P.G.S.C. y H.K. respectivamente. Danjo total ta worde balia pa fl. 1000.—

FATUM — Tel.: 1845
Pa tur bo asegurado

Hanja y pedo

Tomis Ph. Tromp di Tanki Leenderi 129 a hanta bou e plachi di number di auto 8045.

Ismael Orman di Socolorowijk 13 a hanta bou tin horloschi di dama.

Anton J. Ruiz di Costa Ricastraat 12 a hanta bou un estuche di plastic cu un vulpen y un vulpotlood color geel. Sr. Vos di polis a hanta na Basi Rini tin tas di plastic conteniendo panja di ban-ja y algun copas.

PARKEERPROEF DEN NASSAUSTRAT

ORANJESTAD — Ajera polistan na Aruba a principia cu un parkeer-proef den Nassaustraat. Como cu a resulta cu e espacio di parkeer pa bus chikitu y bus grandi dilanti di Seal Hotel den oracion cu tin hopi trafico ta chikitu, y cu e husnan cu ta spera pasahero hopi biaha ta blokea e trafico, a worde decidi pa agrega un otro parkeerplaats den Nassaustraat, cual ta keda entre no. 1 y Wimeco. Na e lugar aki solamente bus grandi por parkeer. E proef aki ta dura un siman, Chens pa otro autonan parkeer den Nassaustraat cu e med'ia aki a bolbe keda reduci un poco, pero autoridatnan di polis ta hanta cu esaki na ta

un problema, pa motibo cu den ulti-ma tempo a hini diferente lugar di parkeer acera den vecindario di Nassaustraat.

24 Y 25 JUNI GASLIGHT DEN COLONY

SEROE COLORADO — E comedia „Gaslight“ lo ser presenta den sala grandi di Lago High School dia 24 y 25 di juni proximo pa e grupo comediantes Drama Workshop. E papelnan estelar ta den man di Jean Fincher, Bob Dorwart, Peter Storey, Dodie Finlayson y Vida Scott.

EHECUCION DI CHESSMAN TA DIA 2 DI MEI

SAN RAFAEL, California, 28 maart. — George Davis, un dje ahogadonan di Caryl Chessman, a anuncia awe mainta, cu lo e pidi na Haheas Corpus, cu lo presenta un problema federal. El a rienga di duna detalle. Chessman mester worde ehecuta dia 2 di mei.



Diasabra mainta a jega Aruba Mgr. Finbar Rayan, arzobispo di Port of Spain. Tabata presenta pa dunela un bon bini pastoor N.C. Ernkamp di San Nicolas y pader B. van Baar di e mesun parokia. Diadomingo u.p. e arzobispo a inaugura solemnemente e siman di mision na San Nicolas. Riba e portret di r.p.dr. pastoor Ernkamp, Mgr. Finbar Rayan, pader Van Baars.

OPENBARE AANBESTEDING

Het Hoofd van de Dienst Openbare Werken, Aruba zal op Woensdag 13 april 1960 om 11 uur v.m. in het openbaar aanbesteden:

De bouw van een R.K. Mulo-school te Sta. Cruz volgens bestek No. 5.

Bestek en tekeningen zijn verkrijgbaar ten kantore van bovengenoemde dienst a fl. 10.— per stel. Restitutie fl. 7.50 op de dag van aanbesteding.

WANTED:

SALESMEN

Must be between the ages of 25 and 35, be able to speak English, Papiamentu and Dutch.

Please apply in person to Mr. L. R. Molyer, Aruba Caribbean Hotel after 6.00 p.m.

Torneo di futbol pa copa Juliana ta cuminza diasabra

(Di nos redactor deportivo)

ORANJESTAD — E tradicional torneo di futbol pa Copa Juliana ta cuminza diasabra avor cu un total di diez partido perteneciente na tres diferente clase di futbol. Esakinan lo ta A, B y Junior klase. E unico clase den cual durante e torneo ta lo wordu competi, pero no tin waga senjala pa dia Sabra ta di Hoofdklasse. Di e clase aki e prome encuentro lo toma luga dia Mars aunchi entre RCA y Aruba Jrs.

Anardi 400 e prome waga ta cuminsa diasabra riba 9 diferente tereno.

Den B klase lo hunga Vitesse contra Jong San Nicolas, uba tereno di Jong San Nicolas, pa ganador A; Spirit Boys contra Marinos riba tereno di St. A pa ganador B; Union Juvenil Noord versus Brazil Jrs. riba tereno di Union Juvenil Noord pa ganador C; Federation Futbol Club lo hunga cu Tropical riba tereno di Tropical pa ganador D; y Britania lo hunga contra Mesa cas riba tereno di Britania pa ganador E.

Di J. for lo tin tres partido. Esakinan ta Jong Aruba Jr. contra RCA Jr. riba tereno di Jong Aruba Jr. pa ganador A; Spirit Boys contra Trappers Jr. riba tereno di Trappers Jr. pa ganador B; y Estrella Jr. contra Riverplate Jr. riba tereno di Estrella Jr.

Anchi cu 7.30 tin senjala e partido di A klase entre Babali S.C. y La Fama.

E torneo di B y di Junior klase lo termina dia 24 di April. Hoofdklasse su ultimo fecha ta dia 28 di april.

mentras cu A klase ta spera di caba dia 26 di april.

Un total di 42 oncena lo participa den e torneo reparti den e siguiente forma: 6 den Hoofdklasse, 8 den A klase, 18 den B klase y 10 den Junior.

Reglamentonan pa e torneo

Cu e senja di e junior tin waga lo tin e torneo duracion di 2 x 45 minutos pa junior esaki ta stipula na 2 x 30 minutos. Partido cu termina den un empate, cu excepcion di estacion di final, cada equipo lo tene tres penaltu. Si ainda no tin desempat: lo lo dicid e ganador.

Den final ora cu un parti lo gana na empatu, e lo wordu alargu cu 2 x 7 1/2 minutos. Si despues di e 15 mi-

nutos adicional ainda tin empate, cada equipo lo tene tres penaltu y si ni esey a trece un desempat: anto lo lo dicid.

Tur hungador mester ta debidamente inscribi pa e equipo den cual nan lo participa. Pa junior por participa esnan cu ta naci despues di dia 1 di Januari di 1942.

Si resulta cu un equipo a usa un hungador ilegal, e equipo en cuestion ta perde e waga.

Den un terminu di 2 x 24 ora e fraccion aki mester wordu poni na conocimiento di e secretario di AVB. Lo no wordu haci excepcion riba e reglamento aki.

Un hungador di alen y e keeper por wordu cambia durante hener e partido cu e entendimieto cu e keeper por wordu cambia unicamente a biaba pa un invalier.

Bringamentu di mineronan na Kiushu

TOKIO, 28 maart. — Ajeri nochi mineronan cu ta waga y mineronan cu kier a traha a bringa severamente na Kiushu. Hapon. E waga na e isla a dura 65 die caba. A wordu informa cu 140 persona a banja berida; 34 di nan ta grave. E poliznan tin miedu cu lo tin mas victima, pasobra ainda no ta trankil.

E neger Frank Beckwith candidato pa president di Merca

INDIANAPOLIS, 28 maart. — E abogado di 55 aña, Frank Beckwith, di Indianapolis, ta e prome neger, cu ta trata di wordu eligi presidente di Merca. El a larga inscribi su mes como candidato pa e candidatura republicano na Indiana.

El a contesta e pregunta si e ta kere cu lo e wordu gana pa vice-presidente Richard Nixon, kende a inscribie aña caba como candidato, bisando: „Wel, mi ta kere cu mi ta conoce mas


hende na Indiana cu Nixon; mi por jama 7.000 hende na nan nonber”. El a bisa cu lo e priminti su simpatizadonan cu si e wordu eligi, lo e establece un departamento di paz den e gobierno federal, pa lucha mas fuertemente pa paz cu nos tabata den guerra.

Averiadonan di „Alta Mar”

RIO DE JANEIRO, 28 maart. — 35 persona cu a keda riba laman desde cu e vapor argentino di carga „Alta Mar” a sink, a wordu piki for di awa awe na un distancia di 460 km for di Belem, capital dje estado brazilieno Para. E vapor a sink ora cu el a dal cantu di un klip, riba su ruta pa e haf di Belem.

Plonier 5 ta sigui su trayecto masha bon rond mundo

WASHINGTON, 28 maart. — E satellite solar-mericano Plonier 5 a caba cubri un distancia di 4.025.000 km den universo awe mainta. Su velocidad ta 8.787 km pa ora. Tur su aparatonan ta funciona bon.



Pa un bril, cu ta hacibo atractivo:

SPRITZER * FUHRMANN OPTICA

ORANJESTAD TEL. 1320
SAN NICOLAS TEL. 5015

APARATONAN MODERNO
PA SLIJP TUR GLAS

KNEM

Your line

SERVING ARUBA FAITHFULLY AND UNINTERRUPTEDLY FOR MORE THAN THIRTY YEARS WITH A CENTURY OF EXPERIENCE TO BACK IT UP.

Fast and regular freight services with modern vessels with limited passenger accommodations:
WEEKLY: from Europe & U.S. Atlantic Ports
FORTNIGHTLY: from U.S. Gulf Ports
FOUR WEEKLY: to and from Europe and Caribbean Isles by the fast and modern motorvessels „ORANIE NASSAU” and „PRINS DER NEDERLANDEN”.

Schedule of arrivals/departures at/from Oranjestad

Day	Vessel	From:	To:
28 March	PR. DER NED.	Amsterdam - Barbados - Port of Spain - La Guaira - Curacao.	Puerto Limon - Kingston - Santiago de Cuba - Port au Prince - Cartagena.
31 March	TRITON	New York - Curacao.	Guanta - Port of Spain - Puerto Suere - Carupano - Ciudad Bolivar - Puerto Ordaz - Guianas - Europe.
2 April	DORIS	Amsterdam - Curacao.	Nassau - Mobile - Port Arthur - Houston - New Orleans.
7 April	JASON	New York - Curacao.	Maracaibo - Bachiquero - Maracaibo - Puerto Cabello - Baltimore - Philadelphia - New York.
8 April	CHRISTIANA	Italy - Barcelona - Lisboa - San Juan - Port of Spain - Pampatar - Guanta - La Guaira - Curacao.	Barranquilla - Kingston.
9 April	MARON	Amsterdam - Grenada - Curacao.	La Guaira - Pampatar - Carupano - Kingston - Charleston - Baltimore - Philadelphia - New York.
9 April	PR. DER NED.	Cartagena	Curacao - La Guaira - Port of Spain - Europe.

Call: 1777 (three lines) - Oranjestad

5296 or 5496 - San Nicolas



Kende ta laga di un problemas? Tur dia nos ta experimenta esaki: hobennan riba tereno di amor, school deporte y na cas cu nan mayornan, mayornan cu educacion di nan jiu nan, relacion entre esposu cu nan enjora, quehaceres di nan mas, relacion cu bisinia y familia.

Como Rosemary sabi cuanto problemas ta molestia un of otro persona, e la pone su mes na disposicion pa tur diunars e duna consejo gratis riba e diferente problemanan cu bo por confiele den nos corant. Mantenga bo corant pa „Arubaanse Courant” Nassastraat 35 y scribi den un hoek di e envelope bon cla „Correo Confidencial”. Si en caso bo problema lo pa ponele y pa ser contesta den nos corant, anio bo por ta asina bon di inclui den e envelope otro enveta concerni algo mucho personal di llope cu bo adres riba dje y stampia y e ora bo ta hania un contesta personalmente.

Rosemary ta dispuesto na yudabo!

Apreciable Rosemarie.

Despues di un cordial saludo na Rosemarie, mi ta spera cu lo mi haya un conseho muy pronto. Ya ta casi tres aña cu mi a cera conoci cu un mucha homber di mes edad cu mi. Mi a queda amigo leuw cu ele semper i mi sa cu e ta un mucha homber serio i di bon familia. Wel ami for di e preme dia cu mi a cuminsa conocele bon, mi a sinti algo pte, pero mi tabatin miedu i no kie a kere mi mes.

Pero un dia el a puntra mi algo den cuenta, cual idea ami tin. Mi no a responde nunca. Mas vez el a baci mi e mes un pregunta. Mi tabata pensa cu quizas lo ta veridic mi tabata, pero awor cu mi ta birando mas di edad, mi a bin comprende cu mi ta slime. Pero nunca mi no tabata sigur di esey. Wel seman pasa el a bolbe haci mi e pregunta. Mi a contesta, ma mi no a bisele nada.

Pasobra tin un gran dificultad i esey ta cu dentro di poco lo mi bandana Aruba i quizas el si ta queda Aruba pa semper. Awor aingun dia mas mi no tin sosiego. Mi ta cerca di bira loco di pensa kiko mi mester haci. Bisi e mucha homber kiko ta pasando of no? Wel mi ta spera cu Rosemarie lo por yuda mi den e lucha aki. Tin vez mi no por drumi anochi pensando cu ta aingun siman mas so lo mi mire. Mi ta spera pronto un contesta den Arubaanse Courant. Di antemano miles di gracia.

Pobrecita.

Mi amiga, mi ta comprende cu lo situacion ta poco facilso i cu bo no sabi kiko bo mester haci. Toch tin un cos cu bo NO por haci: bo NO por declara e mucha homber ho stimacion. Esey ta e mester haci prome. E mester bisa cu e ta stima bo i pidi bo pa casa cumele. Pero si e no bisa nada solamente puntra bo ki idea bo tin..... kiko bo por bisa? Tuma un conseho, mi amiga, ora cu e

bolbe puntra bo ki idea bo tin, bo ta bisele cu bo kier sa prome ki idea e tin. E mester bisa bo tur cos. Anto e ora ey bo por bisele cu bo tambe ta stimale, cu tin un dificultad teante cu bo tin di bandona Aruba etc. etc. Si boso unior ta grandi lo hini un solucion sigur. Pero no lubida cu semper ta e mucha homber mester haci declaracion di amor prome. Si aho bisele esey, despues lo e por baci bo ridiculo. Como muher nos tin di warda secreto di nos amor den nos curazon, te ora cu nos sabi si e mucha homber ta stima nos. Hopi exito, mi amiga!

Rosemarie.

Apreciable Rosemarie.

Despues di a lesa hopi di e cartanan den Arubaanse Courant, mi tambe ta hini cu un carta pa pidi Rosemarie un conseho.

Mi ta un mucha muher di 24 aña. Tres aña largo un mucha homber ta nomora mi, e ta bira mi cas tur ora i anja pasa nos e compromete. El a bisa mi cu nos lo por casa na fin di e anja aki of na principio di 1961. Mi ta certia su palabra pasobra e ta un mucha homber serio i decente. Den mi confianza mi a baci un ces di imprudencia. Mi a dunale mi bonor pa mustrele cuanto mi ta stimale. Esey a sosode un dos, tres luna pasa. Awor, for di despues cu esey a sosode, e mucha homber a cambia. E ta bin mi cas si, pero no hopi manera antes. E ta papia cu mi pero no cu e amor ni e respect cu antes e tabatin. Te basta mi remigana a bisa mi cu nan a micle cu un otro mucha muher, di un otro barrio. E mucha muher ta mas jong cu mi i ta mas serio. Mi tin miedu cu awor e ta bai larga mi, mientras cu mi ta stimale cu lecura. Rosemarie, Mi no por a wanta mas i siman pasa mi bisele cu mi ta nota cu el a cambia. Rosemarie sa kiko el a contesta mi?

Mi no ta na estado. Rosemarie, pero, baci bo verdiet. Pero ta bon cu bo mes ta mira cu mi amor pa bo no ta manera antes. Ma jora beater anochi i mi no sa kiko mi haci.

Mi no ta na estado. Rosemarie, pero mi no tin e cos di mas preciosu mas, esta mi honor. Awor kiko mi haci? Cea mi por gana su amor back? Yuda mi, Rosemarie.

Desgraciada.

Desgraciada.

Mi amiga, atrobe un di e casonan triste! Ta ki dia nos mucha muherman ta comprende, cu asian ho duna un mucha homber ho honor prome di casa, e ta fada den bo..... e no ta desea mas di casa cu bo? Tur su promesanan di antes..... ta bai perdi na momento cu un mucha muher perde cabes i perde su honor. Mi uniga, ho no ta desgraciada, pero si ho mester pasa algun tempo hopi tristeza pa motiva cu mi conseho ta: duna e mucha homber aki su libertad. Bisele cu ho ta stimale masha boni, en lo ke a pasa entre boso tabata prueba di ho amor, maske awor ho tin duete en ho a bai asina leuw. Bisele cu si awor e no ta stima ho mas, ho no por obliue na saca en ho. Bo ta spera en e bira feliz cu un otro. Talvez ora e mira cuanto ho ta stimale, i con ho no ta obligue nada..... lo e comprende cu boso dos nor bira feliz huntu den matrimonio. Te e bolbe stima ho. Si awor ho bai rabia i mustrele riba su obligacion..... ho ta perde su amor pa semper. Laga esaki tambe ta un les na bo, mi amiga, no duna ningun hende ho confianza na un manera robes. Mi ta spera en lo boso por bira feliz.

Rosemarie.

Apreciable Rosemarie.

Ya cu mi a mira con ta siman Rosemarie ta yuda esnan cu tin algun problema, mi tambe ta bira e siman aki

cu un problema, sperando cu Rosemarie lo kier yuda mi.

Rosemarie no publica mi carta den corant..... solamente un contesta. Alma Triste.

Alma Triste

Mi uniga, lo mi cumpli cu bo deseo i no publica bo carta. Aki ta sigui mi conseho.

E senjorita mester duna bo un contesta. E no por kibra cu bo sin bisa nada of sla skirbi bo. Bal sa cas, skirbi'e, yam'e na telefon i ho bisele cu bo kier sabi tu pa ki motivo e no kier mira ho mas. Talvez un of otro hende por a gunjele algo riba ho?

Pero cuenta di mata bo curpa, mi amigo, esey si ho mester saca for di ho cabez. Bo ta masha jong i Dios so sa cuanto felicidad bida tin pa bo. Corda semper lo ke un homber humoristico ingles a jega di bisa „There are more fishes in the sea”..... tin mas piscu den lama! Mi ta spera pa bo di henter mi corazon cu e mucha muher lo duna bo un contesta, manera tur hende bon educa ta haci. I mi ta spera cu boso dos lo por bira feliz huntu despues den matrimonio. Pero, mi amigo, en caso mes cu e mucha muher no ta stima bo mas i el a cambia di idea, habri bo wowo bon i mira cuanto mucha muher bonita, decente i nechi tin na Aruba!

Good luck, mi amigo!

Rosemarie.

LA FAMA A GANA TROPICAL

(Di nos redactor deportivo)

ORANJESTAD — E partido hunga dia Domingo atardi riba tereno di SCA entre La Fama y Tropical a termina den un victoria pa Los Verdes de Savaneta. Score final di e encuentro ta 3 pa 1. Esaki ta e segundo victoria pa La Fama, loke a duna nan e derecho di participa den e final di e torneo organisa door di SCA.

CINZANO

OFERTA TEMPORAL

Cu 36 etiketa di CINZANO bo por hania un boter di CINZANO gratis!!

Señor ADRIAAN S. HABIBE y su señora esposa OLGA M. OSORIO DE HABIBE se complacen en participar(s) a Ud.(s) el feliz advenimiento de su hija

LISEITE LORAINÉ

Aruba, 28 de marzo de 1960.
Hospital San Pedro.

TE KOOP:

Zitkamer (bank, tafel en 4 stoelen) fl. 250.—
Eetkamer: buffet, 10 stoelen en tafel fl. 200.—
Slaapkamer fl. 150.—
Airconditioning fl. 175.—
Grote gasluskast fl. 250.—

Te bevragen:
P. DE BROUWER
Celestusstraat 11, Oranjestad

More people buy and enjoy Maxwell House than any other brand!



It's the one coffee with that Good to the Last Drop flavor!

Dennis, de schrik van de buurt!



„Is hij lekker dronken, mama? Ik heb hem rum gegeven”.

„E ta bon fuma mama? M'a dune rum bebe”.

EL CISCO KID

1. "Mira alla" "Boso tira riba dje, pa e bai." 3. Ora nan a tira Cisco ta cu fofu su cabai.



JUAN EL INTREPIDO

1. "Adan." "Hazard y bo rumen a intenta un heroismo ridiculo." 2. "Bon... ya ta basta di tragicomedia." "N-no." 3. Juan sin por haci nada, ta mira fofu su avion con Sabina ta trata na salba su rumen."



DICK TRACY

1. "Esakinan ta Mamo y Parla." 2. "Oh. Haka, mi amor, kiko a pasa bo?" 3. "Laga nos laga nan so. Podise e presencia di e mucha muherman lo haci cu e ta bolbe na su tino." 4. "Bo ta harja cu e Dios di palo aki ta asina pisa. Lizz?" "Hum — mi no sa. Lagami mira."



RIP KIRBY

1. "Capitan Doom no a perde tempo na conoce Rip Kirby y su amigo, pero nan lo bai bebe huntu?" 2. "Mi a mira eca nan a benta boso nan fofu bordo di e "Bucanero", e barco di Stanton..." Kiko a pasa boso nan?" 3. "Nos no tabata sali cu otro, pero pakiko bo ta puntracesel?" "Mi por duna boso un bon oportunidad..." di gana hopi placa..."



EL PRECIO DEL TRIUNFO

1. "Quizas lo dura un rato promer cu mi saico jega aki. Ava, busca un caballa y mara nan mao." "Bueno, Tani!" 2. "Si nan mara nos lo tin esperanza..." Despues un rato, e ta bisa Pat... "Pat, e cordon electrico banda di bo, sea alerta!" 3. "Ta inutil. Tien! Srita. Purdy tabatin e prevision pa pi di nos madaun un auto di patrulla dentro di cinco minutos..." "Lalo... quico e ta bisa!"




EL DIARIO DE UNA VIDA

1. "Mi ta jura bo, senjora alcalde, cu e telefon ey ta jamando henter dia!" "Y bo sabi quen ta jama?" "No..." 2. "E corantnan..., revista..., radio... y TV! Ta parez cu bo a bala mes tanto atencion cu e gobernador mes den e motia di e presonan ey... atrobe!" 3. "Un servicio fotografico quier bo portret." "Mi no por haci esey. E heroe tabata senjor gobernador. Ami tabata un simple circunstante. Bisele."



PEPITA

1. "Pepita! Bo por pasa mi na pida bolo di chuculati?" 2. "Bo sabi cu mi ta masha ocupa pa hay busquele." "PEPITA!" 3. "Si bo no stop di jama mi mi ta bin rancia bo oreo. Lorenzo!" 4. "Bien. Ora bo pasa aki banda, bo trece e pida bolo di chuculati ey."



Verf Van Vettewinkel

X-WALL verf po muroyo, obtenible na BOUWMAATSCHAPPIJ "ARUBA" N.V. — tel. 1275

Awe noch Aruba Jrs. contra Y.M.C.A.

(Di nos redactor deportivo)

ORANJESTAD — Un interesante y importante encuentro di basketball clase A ta wordo hunga awe noch riba cancha di Aruba Jrs. Lo enfrenta otro e dos quintetonan cu tin e mior chensnan.

E quinteto "Y" tin actualmente tres victoria den mes tanto salida, un record perfecto. Aruba Jrs tin den tres salida, dos gana y un perdi. E unico match cu e quinteto di Socotoro a perde ta exactamente contra di YMCA cu score di 40 pa 26.

Cu un vista ariba e segundo encuentro cu e equipo lider di YMCA, coach Gochi Brion di Aruba Jrs a duna su

muchanan extra training den e ultimo siman. E "mula" aki Gochi ta considera necesario pa hanja e equipo den un condicion di por gana YMCA.

Di otro banda nos ta sigur cu e muchanan di San Nicolas bao direccion di Ralph Papa lo no a sinta keto y ta realisa tambe cu e wegá di awe noch por ta esun decisivo. Aunke cu Aruba Jrs ta e equipo cu den e promer round nan a gana cu diferencia mas grandi, nan sabi cu e rivalnan di Socotoro por ta esunnan cu lo por stroba nan di bai pa promer biaha cu e titulo di campeon.

Un wegá fuerte y duro ta wordo spera, pero nos ta spera cu tur e hungadornan lo keda sportief y no duna referi Mateo Reyes, kende nos ta spera lo hanja un ayudante pa awe noch por lo menos, necesidad di retira algun di nan for di wegá.

Un triunfo pa YMCA lo pone nan cu cuatro victoria sin derrota den un posicion masha ventahoso.

Si Aruba Jrs termina victorioso cu su record di tres gana y un perdi, lo tin un empate e ora den promer puesto entre nan mes y YMCA.

Den e promer match lo topa otro di e campeonato di B-klasse e quintetonan di RCA y Aruba Jrs. E ultimo aki cu cuatro gana y un perdi ta actualmente den promer puesto sigi pa RCA y Don Bosco cu ta empatá den segundo puesto, ambos cu cuatro gana y dos perdi.

E partido di B-klasse tambe ta di hopi importancia ya cu e vencedor lo ta e promer den keda cu cinco victoria y asina lo keda of bai den promer lugar.

E promer encuentro entre e dos quintetonan aki a termina den un victoria pa RCA cu score di 19 pa 12, por cierto e unico derrota cu Aruba Jrs, "B" tin sufra te ainda.

RCA a dos derrotan ta cantra di Don Bosco y Spes Patriae.

Un interesante programa di basketball por wordo goza pues awe noch riba cancha di Aruba Jrs, cuminzando e promer pa 7.30.

DANIEL KELLY A KEDA PRESIDENT DI R.C.A.

(Di nos redactor deportivo)

ORANJESTAD — E reunion general anual di RCA teni dia Domingo mainta no a trece cambio den e puesto maximo di e club. E miembronan satisfecho di e trabao di nan actual president Sr. Daniel Kelly no a hanja necesario pa trece cambio y a reelegi Sr. Kelly pa e puesto maximo.

Resto di e directiva di RCA pa aña 1960 ta wordo forma door di e siguiente senjores N. E. Henriquez Sr., Dr. W. H. de la Fuente, Freddy Baptist, Feki Caster, A. B. Kuiperi Sr., Carel Dirks, Ricardo Helder y Modesto Oduber.

E otro puestonan di directiva lo wordo reparti den e proximo reunion di directiva.

HOROSCOOP

ARIESNAN
11 Maart — 20 April



TAURISNAN
21 April — 21 Mei



Tin acento riba bo asunto nan priva. Y bo ta hanja contesta riba problemanan. Bo tin exito.

Luna nobo den bo mes signo ta yuda bo den tur asunto priva. Otronan tambe quier yuda bo.

GERMINAN
22 Mei — 21 Jun



Bo interesnan ta mehor sirbi pa trabao necesario y asunto nan priva. Cuidao cu trolebo.

CANCERNAN
22 Jun — 23 Juli



Otro personanan nan y nan interes ta na prome lugar. Tene cuidao cu mal entendimien to.

LEONAN
24 Juli — 23 Augustus




Principalmente parti di awachi bo por spera adelanto den negoshi. Cuidao cu hende caprichoso.

VIRGONAN
24 Augustus — 23 September



Sea dispuesto na larga oronan di cidi den casonan coriente. Aonchi bo tin mehor inspiracion.

LIBRANAN
24 September — 23 October




Busca caminda y manera pa drecha situacionnan brucha. No haci nada pa perhudica bo.

SCORPIONAN
24 October — 22 November



Otronan por ta fastioso awe. No spera mucho cos fo i interes y cooperacion.

SAGITARIUSNAN
22 December — 20 Januari



Reflecciona dificultadnan y problemanan di trabao cu calma. No hinka culpa den trolebo di otro hende.

CAPRICORNUSNAN
23 November — 21 December



Circunstancia nan ta pone bo na stado di dedica bo mas y mas na bo hobby.

ACUARIUSNAN
21 Januari — 19 Februari



Asuntunan practico lo tin bo ocupa. Asuntunan domestico ta existi un parti di bo tempo.

PISCES
20 Februari — 20 Maart



Distingui diferencia di opinion cu otronan cuidadosamente. Duna otronan bo idea.

AIR-CONDITION YOUR HOME AND OFFICE!



BO TA SINTIBO OTRO

CU

AIREACONDICIONADO NA CAS

y

AIREACONDICIONADO NA OFICINA

Adios calor, adios stof, adios boroto, adios sudor y e ta costa menos di loko bo ta kere

